

聞喜縣志卷之一

星野



左傳遷實沉於大夏主參

晉語實沉之墟晉人是居

帝王世紀自畢十二度至東井十五度爲實沉之次今晉

魏分野

寰宇記平陽屬參之分

史記正義魏地皆屬參之分野

前代清類分野書自畢七度至井八度爲實沉之分平陽

府參分蒲絳古隰霍解六州皆屬參分


聞喜縣志

卷之一

星野

山西通志聞喜河津胥同參井

參宿圖



聞喜縣志

卷之一

星野

二

丹元子步天歌

總有七星觜相侵兩肩雙足三爲心伐有三星足裏深玉
 井四星右足陰屏星兩扇井南襟軍井四星屏上吟左足
 下四天廁臨廁下一物天屎沉

占候

參十度上爲五星日月中道甘氏曰參爲忠良孝謹之子
 明大則臣忠子孝又曰參白虎之體其中三星橫列三將
 也東北曰左肩主左將西北曰右肩主右將東南曰左足
 主後將軍西南曰右足主偏將軍故黃帝占參應七將中
 央三小星曰伐天之都尉也又曰七將皆明天下兵精也

玉井四星在參西右下水象也屏二星在玉井南屏爲屏
 風玉井東西四星曰軍井行軍之井也軍井未達將不言
 渴名取此也又主軍營之事天厠四星在屏東潤也主天
 下疾病黃吉赤青白皆凶天泉一星在厠南色黃則吉他
 色皆凶

開喜縣志

卷之一

星野

三

觜宿圖



丹元子步天歌

三星相近作參彙觜上三星直指天尊卑之位九相連司怪曲立座旗邊四躡大近弁鉞前

占候

觜二度在參之右角如鼎足形主天之關明大則天下安五穀熟移動則君臣失位天下旱隋志云觜觶為三軍之候行軍之藏府主葆旅收斂萬物明則軍儲盈將勢得動而明葆旅起張衡云葆旅野生之可食者座旗九星在司怪西北主別君臣尊卑之位明則國有禮暗則反是司怪四星在井鉞前候天地日月星辰禽獸蟲蛇草木之變與夫高占同天高

聞喜縣志

卷之一

星野

四

亦星名

聞喜禹貢冀州之域歷唐虞夏皆屬畿內地周成王封其弟叔虞於唐傳子燮改國曰晉晉昭侯封其叔父成師於曲沃即其地也曲沃桓叔之孫武公伐晉滅之周釐王遂以武公為晉君而盡有其地戰國時屬魏秦為桐鄉屬河東郡又於東立左邑

以安邑在右故名

而桐鄉附焉漢

元鼎六年武帝將幸緱氏經左邑之桐鄉聞破南粵而喜因改桐鄉為聞喜屬冀郡王莽改曰洮亭東漢罷左邑移治聞喜魏晉承其舊均屬河東郡後魏屬正平郡

即今絳州後周移治柏壁

在絳州西南二十里今其地屬絳州

隋屬絳郡移治

聞喜縣志

卷之一

沿革

甘谷疑即甘泉谷

唐屬絳州復移治桐鄉故城又唐分縣為

赤畿望繁上中下聞喜為望五代漢乾祐元年割河中聞喜屬解州宋金元因之宋隸平陽金隸河東南路元隸晉寧路明屬平陽府解州

國朝因之雍正七年撫部院石因距絳近便題准改

隸絳州乾隆七年改為衝繁難調缺

邑人李汝寬桐宮辯云諸志皆以聞喜為桐宮湯陵所在按漢書劉向傳歷叙帝王陵墓曰殷湯無葬處師古曰謂不見傳記也漢去古未遠劉向班固為世大儒且不知其處司馬光撰聞喜宣聖廟記亦未嘗及金有張

邦彥者據一時父老之言謂文廟卽古湯陵引尙書及孔安國註以信之而力詆魏文帝皇覽言湯葬濟陰之非蓋因地名桐鄉且多古柏而附會之也夫安國註尙書桐宮止云此湯葬地未言所在夫以桐鄉爲桐宮已屬無稽又以文廟爲湯陵可乎及考平陽府志山西通志雖以聞喜爲湯陵於榮河又皆云湯陵在縣北百祥村西元癸未歲淪於汾河以石樞遷於別地洪武初因建寢廟於陵東歲時致祭正德元年少卿喬宇題准修祠又按文獻通考大明一統志皆云湯葬汾陰又按隋志祀湯於汾陰汾陰卽榮河邦彥始則不知闕疑旣則

濟以博辯正德閒邑博王紳氏修志遂以桐宮爲邑之故地而州據縣府據州省據府諸志皆誤誰之咎與節錄

李汝寬聞喜曲沃辯云今之聞喜古曲沃也今之曲沃

古新田也按史記晉昭侯封文侯弟成師於曲沃註索

隱曰河東縣名漢武改曰聞喜也蓋曲沃改桐鄉桐鄉

改聞喜此不及桐鄉省文耳晉語驪姬請使申生處曲

沃以速縣韋昭解曰曲沃晉宗邑今河東聞喜是也春

秋魯襄公二十二年晉欒盈入曲沃林堯叟註曰曲沃

河東聞喜縣前漢地理志河東郡縣二十四有聞喜註

曰古曲沃後漢郡國志曰聞喜邑本曲沃晉地理志曰

聞喜故山沃文選潘岳笙賦曰河汾之寶有曲沃之懸
匏焉註引漢書曰河東聞喜故山沃也綱目集覽曰聞
喜本絳州曲沃縣漢武帝改聞喜此非聞喜古曲沃之
證乎魯成公六年晉遷新田曰有汾澮以流其惡至後
魏始置曲沃縣亦猶漢武改修武爲獲嘉後又另置一
修武也今曲沃多志其邑里曰新田且汾澮二水現在
其境內曲沃志亦曰卽春秋晉新田地此非今曲沃古
新田之證乎

節錄

疆域 形勝 舖遞驛站附

縣治在山西布政司西南八百里直隸絳州西南七十里

東西廣七十五里南北袤四十五里自縣治至

京師二千二百里

東至絳縣界六十里

西至解州夏縣界二十三里

南至夏縣界十里

北至州界三十五里至州治七十里

東南至絳縣界六十里至垣曲縣界九十里

西南至解州治一百四十里

聞喜縣志

卷之一

疆域

八

東北至曲沃縣界五十五里

西北至州界稷山縣界三十五里

形勝

南有美陽北有晉原抱三嶽之秀扼橫嶺之奇中條聳翠而蜿蜒涑水繞清而縈帶邑有勝景曰黉宮古柏曰董澤荷香曰涑水環清曰鶴樓晚照曰香山遠眺曰楊園隱秀曰白土桃烟曰北原秋柿

舖遞

儀張舖 東

馮家莊舖

東鎮鋪

問店鋪

蘭德鋪

接曲沃縣界隘口鋪

西祁鋪

東南

獅子鋪

接絳縣界烟莊鋪

劉莊野鋪

接垣曲縣界梨樹鋪

宋店鋪

西

郭店鋪

接夏縣界常村鋪西南接夏縣界泊頭鋪

驛站

馬廠舊在西關康熙五年知縣梁參乾建今改建於縣治

聞喜縣志

卷之一

疆域

九

東縣丞署遺址

涼川驛額馬五十四匹夫二十七名

絳縣協濟馬十八匹夫九名

稷山縣協濟馬七匹夫三名半

共馬七十九匹夫三十九名半

撥協保德州馬九匹

本縣馬六匹絳縣馬二匹稷山縣馬一匹

夫四名半

乾隆十年十月初一日奉

撫部院阿

題奉為詳請

站馬就近管理等事案內撥協五寨縣馬十四匹

本縣馬七

匹絳縣馬二匹

稷山縣馬一匹夫五名統計本驛應差本縣馬四十

匹各縣馬十四匹稷山縣馬五匹共馬六十四匹

乾隆二十五年七月初一日奉 撫部院鄂 題奏為
驛站等事案內因西路差事減少南路差務繁多將
沁陽驛馬三匹夫一名半撥歸本縣應差

乾隆二十八年三月初一日奉 撫部院明 題奏為
飭知事案內因北路差事減少南路差務繁多將保
德州本驛原協馬撥回一匹夫半名五寨縣本驛原
協馬撥回八匹夫四名外天鎮縣協歸本驛馬六匹
夫三名河曲縣協歸本驛馬二匹夫一名現在本驛
應差馬八十四匹夫四十名內除本驛馬匹外加增沁
陽天鎮河曲三處馬十一匹夫五名半

中條山古薄山之首也在縣南六十里起自蒲州雷首迤
邐而東直接太行隸邑境者廣袤皆四十餘里西界夏
縣東界垣曲巉巖峻拔綿亘不絕雲興則為雨候晴則
翠如畫屏

湯山為中條分支亦名湯寨在縣南六十里上有湯廟湫
池禱雨多應

景山在縣南六十里隋地理志曰聞喜縣有景山與三巘
山皆中條支山山海經曰景山南望鹽販之澤

紫金山在縣東七十里盤盤山東接曲沃界

聞喜縣志 卷之一 山川 十一

三巘山在縣東五十里上林賦凌三巘之危郭璞三蒼注

三巘山在聞喜今縣東五十里有焦山高埒湯寨空翠
如削矗峙雲霄即三巘

香山在縣東南三里相傳為晉公還帶處上有晉公祠前
列三塔文筆插天嶒嶸突兀每登高彌望平疇歷歷如
畫見邑景

紫屏山在縣東四十里姚村後山列如屏懸崖千丈其色
紫故名

稷王山在縣西北五十里接稷山界后稷始播穀處上有
陵廟稷山主之姜嫄陵廟聞喜主之

柏林山在縣西三十里柏林村後蒼翠沙山松柏蔽壑下
爲疊水崖再入爲蒿峪蓮葦清幽迥出塵俗

觀音山在縣南九十里劉莊隘一峯突出下緘上鉅

天皇頂在縣北十五里自五龍廟一線過峽突起圓頂高
出羣巒爲邑少祖山又俗名天皇臺下爲石窰明崇禎
閒知縣劉芳久禁閉

蠶姑峯在湯山西峯上有鎮風塔蠶姑廟

瑤光峯在縣南四十里宋家莊後上有塔

峨嵋嶺在縣北三里從紫金山發脉突起延袤自東而北
而西錯落如黛土性厚宜藝五穀

聞喜縣志

卷之一 山川

十三

秦王嶺在湯山東相傳秦王屯兵處

盤盤山在縣南五十里秦王嶺東以徑路盤旋故名

橫嶺在縣東南九十里接垣曲界山脊橫亘下有二泉清
流如駛出白石罅

呂巖在縣東二十里呂莊

鳳凰原在縣東六十里多裴氏舊壘

鐵牛峪在縣南三十里中有興國寺唐僧智旻住錫處相
傳鐵牛流入河中故名

龍頭堡在縣東北五十里山勢似龍蜿蜒天矯後周嘗移

麟州治於此

仙人洞在界原白石村

風洞在秦王寨東有穴深窅莫測風自內起投衣物卽颺去土人於其上建塔鎮之

涑水源出絳縣橫嶺山乾河伏流盤束地中而復出西流經城南門外西南歷夏縣安邑猗氏臨晉合姚暹渠入五姓湖以達黃河支派滌繞波紋蕩漾見邑景

董泊在縣東四十里卽舜時董父豢龍之所一名豢龍池宜植蓮稻舊有觀蓮亭翠蓋綠莖紅白交映上爲董父廟裴晉公湖園趙簣翁董澤書院皆在此見邑景

甘泉在縣東三十里見水利

聞喜縣志

卷之一 山川

十三

溫泉在縣東四十里官莊村又一在南湖村俱冬溫

乾河在縣東四十里山海經水冬乾而夏流

冷泉在縣東四十五里湖村西盛暑濯滌冷沁肌膚

黃蘆泉在縣東五十里黃蘆莊

洮水在縣東六十里水經注曰水源東出清野山涑水至

周陽與洮水合司馬彪曰洮水出聞喜故新莽以縣名洮亭

暖泉在縣東南三十里王村

沙渠水在縣東南五十里白石村會南山諸水至呂莊入涑河土人名呂莊河見水經注

勝水溝在縣南四十里柏樊底水出崖間附草而下亂滴
澗中如百鈴聲沿溪而上卽郭璞洞

秦王澗在縣南四十里美陽川

馬跑泉在美陽川相傳秦王飲馬處

瀑布泉在縣西三十里柏林村後俗名登水崖自山峽中
三疊而下

野狐泉在縣北二十里深峪申相傳有狐避射至此入穴

泉出南流合戶頭杜村諸水舊說乃白土溝上源北枕

高阜下臨巨壑四面青石水自雲泉觀東半山中出源

潺有聲至壑底高數丈其底可容萬馬而水口不容二

聞喜縣志

卷之二 山川

十四

舟亦勝境也見水利

湫池在湯寨中削壁千仞池約丈許不涸不溢可方華嶽

洗頭盆

姚村泉在縣南三十里姚村見水利

玉蓮泉在縣東二十五里川口村上有白蓮寺

水利

王公渠水發源於絳縣烟莊嶺東熙寧開濬明正德闕

知縣王琳考據景雲宮古碑定分數界限溉柳泉愛里

東灌底西灌底東劉家院等田渠口在絳縣磨裡堵截

羅公渠爲堰者五開於宋熙寧開者三開於明洪武開者

二第一堰溉東外喬寺東山底西山底田通志稱康寧里知縣李如蘭改豐泉里第二堰卽王公渠第三堰溉喬寺村田通志稱義寧里知縣李如蘭改青中里第四堰溉西劉家院元家院大蔡薛小蔡薛侯村田通志稱晉寧里知縣李如蘭改南鹽里第五堰溉東下呂西下呂田通志稱榮田里知縣李如蘭改常寧里嘉靖三十九年知縣羅田置牌面定番次選渠長申盜決後知縣李復聘復爲申定刻石元家院

溫泉渠源出黃蘆莊溉上峪口下峪口黃蘆莊田

甘泉渠源出黑龍溝溉交水口上下東鎮背後田以上縣

聞喜縣志

卷之一

山川

十五

雷公渠源出野狐泉由白土溝至城西北三里姚村出溝行平地前代嘗引入城嘉靖間城北地中尚有通水瓦甬萬歷間知縣雷復豫定分數始姚村次王順坡下白土中白土上白土山家莊坡底薛莊家家坪戶頭等村輪溉月一週名雷公渠其故道在縣西北

北河渠水自橫嶺關來沿河開渠輪溉後宮柏底茨凹里南王村河底等田二十二日一輪

董村渠在村東秦王澗下萬歷間知縣王象乾修因名新城王公渠溉董村北郭衛村等田十七日一輪滲渠水

二日三村並山莊輪用

南陽渠在河底村南溉南陽蘇村中申等田十五日一輪

蘇村渠在本村東溉本村田十二日一輪

陽社渠在蘇村東溉陽社小寺頭二村田十六日一輪

小寺頭渠在蘇村南溉小寺頭陽社西郭三村田二十日

一輪

西張渠在蘇村三皇廟前明萬歷初知縣王象乾修濬名

新城王公渠溉西張東張二村田十六日一輪

寺頭渠在本村東北按唐地理志縣東南二十五里有沙

渠卽此溉本村田十七日一輪

聞喜縣志

卷之一 山川

六

坡申渠在本村東溉本村田十八日一輪

下莊渠在本村東坡申渠下溉下莊馮村二村田二十一

日一輪有渠上水三日坡申用

南姚村渠在本村北溝溉本村田二十三日一輪 以上縣

南

聞喜縣志卷之二

風俗

左傳季札觀樂爲之歌唐曰思深哉有陶唐氏之遺民乎不然何憂之遠也爲之歌魏曰美哉泯泯乎大而婉儉而易行

漢書地理志曰河東之地唐堯所居其民有先王遺教君子深思小人儉陋

山西通志尙節儉喜祭賽勤耕織知向學

平陽府志聞喜俗多節義士大夫不以宦勢驕人男耕女織質樸之風猶然近古

聞喜縣志

卷之二

風俗

一

按邑地在唐魏開唐風質樸魏俗勤儉士民皆知謹守繩尺規矩先民農服田疇不遺餘力卽山坡鳥道稱不毛者菑畚耕穫無異肥壤工匠造作惟務渾堅不爲淫巧衣服不尙華靡昏葬宴會稱家有無士勤耕讀急公知義無撓長吏權者婦女亦矜尙廉恥勤於紡績風猶近古有父母斯民之責者詎可忽爲今民而不以古人之治治之歟